

## Hyllestad Røde Kors 2021



Hyllestad Røde Kors er ei lokalforeining med to aktivitetsområde. Hjelpekorpsset og omsorgstenesta. Under får du eit lite innblikk i kva aktivitetar støtta di er med å bidra til.

### Hyllestad Røde Kors omsorg og besøksvennane spreiar glede og trivsel.




Sjølv om også starten på 2021 var spesiell og aktiviteten måtte avgrensast grunna Covid 19, har aktiviteten i omsorg og besøkstenesta gradvis kunne auka på. Omsorgstenesta har bidrege med transport av koronatestar frå Hyllestad til sjukehuset. Dei har og delt ut blomehelsingar til heimebuande og bebuarar på Eiklund. Utover hausten har vi fått til fleire aktivitetar for denne gruppa, både turar i lokalmiljøet og arrangement på Eiklund. Eit anna viktig tiltak er julehelsinga til barn av familiar som har dårleg økonomi. Vi er heldige som har over 20 frivillige som gjer ein flott og viktig innsats, men her er plass til enno fleire!



### Hjelpekorpsset i Hyllestad har skrive samarbeidsavtale med Lavik.

I november 2021 hadde Hyllestad og Lavik hjelpekorps sitt første felles medlemsmøte. I praksis har vi samarbeidd ved leiteaksjonar og førespurnader ved ulike arrangement sidan 2018. På møte vart samarbeidsavtalen mellom hjelpekorpsa offisielt signert. Vi feira samarbeidet med quiz og la litt planar for kurs og korpskveldar i 2022.



### Litt av aktiviteten i hjelpekorpsset

Hjelpekorpsset er i beredskap heile året dersom nokon skulle trenge hjelp. På miniputt-turneringa til Hyllestad idrettslag var vi med som sanitetsvakter i Hyllestadhallen og på fotballbana. Vi stilte òg som parkeringsvakter.

To av medlemmane våre i hjelpekorpsset, Kristian og Kjartan, har vore på kurs i kvalifisert førstehjelp. Alle som ønsker å vere aktive i Røde Kors får dekkja ulike kurs av lokallaget.



**På vegne av Hyllestad Røde Kors vil eg takke for at du støttar vår frivillige aktivitet! Vi håpar du blir med oss vidare i 2022.**

Med vennleg helsing frå  
Hyllestad Røde Kors  
v/ Hildegunn Hatlem, leiar av lokalstyret